



UNIVERSITÄTS-
BIBLIOTHEK
PADERBORN

Scholia In Primarias Preces Imperatoris

Chokier, Jean de

Coloniae Agrippinae, 1674

XII. Imperator ante confirmationem à Papa an possit primarias Preces conferre

[urn:nbn:de:hbz:466:1-62387](https://nbn-resolving.org/urn:nbn:de:hbz:466:1-62387)

& hæc receptio trahit secum canonicam institutionem, & effectum possessionis juris, nec alia ulterius indiget alicuius opera vel gratia, nisi ad actum possessionis corporalis, in qua tantum consistit executio facti, *Rot. a decis. 441. fuit dubitatum, alias 16. de concess. præbend. VVames. cons. 247. nu. 27. de præbend.*

Quæ sanè interpretatio egregiè fulcitur verbis Indulti Pontificii in sectione II. in fin. ibi: *NEC NON PERSONAS AD HUIUSMODI BENEFICIA POST QUAM ILLIS IPSIS CANONICE PROVISUM FUERIT JUXTA EARVND E M PRECV M AVT NOMINATIONVM TENOREM RECIPERE ET ADMITTERE DEBEANT ET ETIAM TENEANTVR.* Ex quibus verbis non obscure patet mentem fuisse Serenissimi, ut domum ordinarii beneficiorum, ad quæ per Cæsarem nominari quem contigerit, demum tenei recipere, postquam canonicè illis provisum fuerit. Quod habet summam æquitatem. Neque enim laici, quantacumque dignitate præfulgeant, ius habent instituendi, nec mittendi falcem in messem ministrorum Christi, *cap. si quis deinceps, 16. quest. 7. cap. quisquis, cap. Messana de electio. Rebuff. ad concord. tit. de collatio §. 1. verb. Prædicationis actum.* Hic autem institutionis actus per Episcopum seu alium ordinarium Collatorem non per litteras missivas fieri debet, sed per litteras patentes, quæ faciunt fidem in iudicio, non etiam litteræ missivæ, *10. And. post. Hostien. in c. patentibus litteris, nu. 1. tit. 1. de privileg. & ibi Anto. de Bur. nu. 7. cap. 1. ibi. per eius patentes litteras de tempore ord. text. in cap. 2. de off. ordin. Rot. a decis. 20. in antiq. Caput aquen. decis. 360. nu. 6. ibi, in certis litteris parentibus. parte 2.* Quod intellige, quando litteræ clausæ non apparent authenticæ, ut quia remotum vel fractum est sigillum, alias *secus, arg. cap. inter dilectos, §. præterea, de excess. Prælat. cap. cum olim 2. de off. deleg.* Tamen melius est, ut litteræ patentes conficiantur, cum litteræ clausæ hoc habeant inconveniens, quod sigillum de facili rumpitur, removetur, seu frangitur tempore apertionis, ut dicunt Hostien. & Anto. de Bur. *in d. c. patentibus litteris.* Sed quid si Ordinarius recuset instituere? Precista tanquam ad sacram anchoram contugiet, ad Executorem per Cæsarem datum, qui vel eum instituet inducendo illum in possessionem intra mensis spacium, quod inductio in possessionem habeat vim provisionis, teste *Staphil. de lit. grat. tit. de vi & effectu clau. vers. sexto queritur. Rot. a decis. 441. incip. fuit dubitatum,* vel ordinarium per censuras compellet, ut habetur in Indulto Sectione IV. ibi: *Conferre & assignare, nec non omnia & singula quæ ad hoc, ut Precum seu Nominationum & acceptationum & collationum huiusmodi succedant effectum oportuna fuerunt facere autoritate nostra, per censuram Ecclesiasticam exequi possint: & valeant &c.*

DUODECIMO QUÆRITUR, an Imperator ante confirmationem à Papa possit

possit Preces Primarias concedere? quæstionem hanc malo proponere, quàm decidere. Videatur Cardinalis Tufchus *tract. com. conclus. tom. 4. conclus. 39. per tot. Azorius lib. 10. Inst. moral.*

DECIMO TERTIO quæritur, an Cæsaris Preces quandoque evanescant? Ita, & quidem ex parte Cæsaris, ut si Papa privilegium seu facultatem illi concessam revocet: Papa enim potest revocare omnia privilegia concessa Principibus secularibus, etiam non subiectis, quando Papa concessit eis Ecclesiastica vel spiritualia, quia quoad concessa, sunt effecti subditi Papæ, *Gemina, conf. 74. num. 10. & seq. maxime quando sunt quæsitæ ex præscriptione, Natta conf. 511. & 512. per tot. Ant Gabriel. lib. 3. commu. conclus. tit. de Iure quesito non tollendo, Card. Tufchus tract. com. conclus. iuris conclus. 761. in fi. cap. pen. de præbend. in 6. cap. ult. de concess. præbend. Hippol. de Marsilijs sing. 166. verbo inconstancia.* Quod hæcenus intelligo, dummodo subsit causa: nam quando Princeps benemerito donat, seu aliquid concedit, ut facit Cæsari, non debet facultas huiusmodi seu donatio ab ipso auferri sine causa; ut multis auctoritatibus probat Mandol. *ad Reg. xi. Cancell. nu. 7.* Ex parte Precistæ, si is suis nominationibus renuntiaverit, *v. Rebuff. quæst. ult. n. 17. in tract. nominat.*

An Cæsaris Preces ali quando evanescant.

DECIMO QUARTO quæritur, an Cæsaris Preces capiant beneficia vacantia ob crimen? distinguo, aut sunt beneficia vacantia ipso iure, nimirum propter crimen assassinij, hæresis, simoniæ & aliorum (de quibus sigillatim scripsi ad Reg. VIII. Cancell. 7. glo.) quæ inducunt vacationem ipso iure, & dubium non est, quin eiusmodi beneficia vacantia sub Precibus Cæsareis comprehendantur, etiam si sint illa S. sedi reservata: quia Pontifex in suo Indulto Cæsarie concessio, reservat tantum sibi beneficia vacantia per constitutionem extravag. ad Regimen In quo tamen notes quod etiam si eiusmodi beneficia vacant ipso iure, possintque Precistis conferri non expectata sententia, nec vocato possessore, non poterit tamen collatio de facto exequi, nec Precistæ in possessionem realem induci, nisi prius vocato, & audito possessore, & causa cognita, *c. Licet Episcopus de præbend. in 6. Oltrad. consil. 226. de toto. Baldus conf. 135 lib. 4. Carolus M. ad consuet. Paris. tit. 1. glo. 3. nu. 12. Gemina. ad cap. 1. nu. 9. de concess. præbend. aut sunt beneficia, quæ non vacant ipso iure, sed per sententiam, ut homicidæ, periuri, irregularis &c. & horum beneficia non debentur Precistis, nisi lata privationis sententia, *Milis in repert. verb. Homicida* ubi dicit, quod irregularis non potest de novo beneficium acquirere sine dispensatione, sed prius quæsitæ retinet, donec privetur per sententiam, ut declarat Jo. And. *in cap. cum nostris de concess. præbend. & interim poterit si velit resignare, ut est communis sententia, quam explico in Regul. Cancell. de Surrog. Collitig.**

Utrum Cæsaris preces capiant beneficia vacantia propter crimen.